

Evangelium Johannis: 1. cap:

HOc est testimonium JOANNIS, quando miserunt Judæi ab Hierosolymis, &c.

EXORDIUM.

Hodiernum Evangelium proponit nobis insignem constantiam Joannis Baptistæ. Licet enim Judæi miserint ab Hierosolymis Sacerdotes & Levitas, interrogantes eum quisnam sit? imò etiam exostulantes cum illo, cur baptizaret, siquidem non Christus sit, nec Helias, nec Propheta? at tamen nec blanditijs nec minis flectitur: sed se vocem clamantem esse in deserto ex Propheta Esaiâ demonstrat. Quapropter ad insistendum ipsius constantiæ vestigijs, consideratione hujus Evangelij nos excitemus, DEVMq; ut labori nostro benedicat, invocemus.

cap: 40.

NARRATIO.

Hodiernum Evangelium insigne testimonium Joannis Baptistæ, quod de Christo testatus est, continet, atq; tale, quod Spiritus Sanctus emphaticis verbis commendat, dum illud

i. insignit